

**Uunga siunnersuut: Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allanngortinneqarnera pillugu Inatsisartut inatsisaat nr. xx,yy. 2015-imeersoq**

(§ 50-imi atuutilernissaanut piumasaqaatit allanngornerat)

**Akissuteqaat**

(Aningaasaqarnermut, Aatsitassanut Nunanullu Allanut Naalakkersuisoq)

**Aappassaanneerinnineq**

Naalakkersuisut sinnerlugit matumuuna, Aatsitassanut Ataatsimiititaliap aatsitassarsiornermi aningaasaateqarfiup atuutilernissaanut aalajangersakkanik allannguuteqartitsinissaq pillugu Inatsisartut inatsisissaattut siunnersuut pillugu isumaliutissiissuteqarneranut, qujavunga.

Aatsitassanut Ataatsimiititaliap isumaqatigiittup isumaliutissiissummini inatsisissatut siunnersuutip akuerineqarnissaa inassutigaa.

Isumaliutissiissummi Aatsitassanut Ataatsimiititaliap eqqumaffigeqquaa, kalaallisuuani danskisuuani taasissutigineqartussap qulequtai imminnut naapertuutinngitsut, aammalu kalaallisuuani taasissutigineqartussap qulequtaa iluarsillugu, allannguutissatut siunnersuummik suliaqartoqarnissaa piumasaralugu.

Peqatigisaanik Naalakkersuisut paasivaat § 2-ip ataani ulloq atuutilerfissaa tassaasoq 1. december 2015. Siunnersuutip pingajussaanneerineqarnissaa ulloq 1. december 2015 pisussaammat, ulloq atuutilerfissaa 2016-imi 1. januaarimut allanngortinneqarpoq.

Taamaattumik allannguutissatut siunnersuut iluarsisaq kalaallisut danskisullu nassiunneqarpoq, tassani allannguutit matuma siuliani taaneqartut ilanngunneqarlutik.

Taamatut naatsumik oqaaseqarlunga siunnersuut Inatsisartuni suliarineqartussanngorlugu tunniuppara.